

Talamdan
sa Mga Mensahe alang sa Full-time Training
sa Fall Term sa 2025

LINANGKOB NGA HISGOTANAN:

**ANG MAHINUNG DANONG MGA PUNTO SA KAMATUORAN SA MGA SULAT NI PABLO—
FILIPOS UG COLOSAS**

Mensahe 4

**Mag-isip nga Kapildihan ug Biya ang Tanang Butang
tungod sa Labaw nga Pagkamaayo sa Pagkaila ni Cristo
ug Makabaton ni Cristo**

Basahong Kasulatan: Fil. 3:7-8; Bug. 3:12, 21

- I. “Labi na gyod nga giisip sab nako nga kapildihan ang tanang butang tungod sa labaw nga pagkamaayo sa pagkaila ni Cristo Jesus nga akong Ginoo”—Fil. 3:8a:**
- A. Ang mga versiculo 8-11, nga taas nga tudling, sama man sa nagsaka nga mga ang-ang sa hagdanan, nga anam-anam nga magdala nato sa itaas hangtod moabot ta sa kinatumyan sa versiculo 11: “Basin makab-ot pa nako ang labaw-nga-pagkabanhaw gikan sa mga minatay.”
 - B. Tungod ni Cristo giisip ni Pablo nga kapildihan dili lang ang mga butang sa kanhi niyang relihiyon nga gilista sa mga versiculo 5 ug 6 kondili ang tanang ubang butang sab.
 - C. Ang labaw nga pagkamaayo sa pagkaila ni Cristo naggikan man sa labaw nga pagkamaayo sa iyang persona.:
 - 1. Giisip sa mga Judio nga ang kasugoan sa Dios nga gihatag pinaagi ni Moises maoy labing maayong butang sa kasaysayan sa tawo; tungod niana masiboton kaayo sila alang niini.
 - 2. Niapil si Pablo nianang kasibota.
 - 3. Sa gipadayag na sa Dios si Cristo kaniya (Gal. 1:15-16), nakita niya nga ang labaw nga pagkamaayo, ang pagkauna sa tanan, ang hilabihan pagkabililhon, ang labaw kaayong bili, ni Cristo nilabaw pa gyod kaayo sa pagkamaayo sa kasugoan.
 - 4. Nisangpot ang pagkaila niya ni Cristo sa labaw nga pagkamaayo sa pagkaila Kaniya.
 - 5. Tungod niini, giisip niya nga kapildihan dili lang ang kasugoan ug ang relihiyon nga gitukod sumala niini, kondili ang tanang butang sab.
- II. “Tungod Niya nag-antos ko nga mapildihan sa tanang butang ug nag-isip niini nga biya aron mabatonan nako si Cristo”—Fil. 3:8b:**
- A. “Nag-antos [si Pablo]...nga mapildihan sa tanang butang” ug nag-isip niini nga biya:
 - 1. Ang pamulong *tungod sa* katulo gigamit sa mga versiculo 7 ug 8, kalabot ni Cristo (kaduha) ug sa labaw nga pagkamaayo sa pagkaila ni Cristo:
 - a. Lahi gyod si Cristo sa kasugoan, sa kasibot alang niini, ug sa pagkamatarong nga naa niini.
 - b. Ang labaw nga pagkamaayo sa pagkaila ni Cristo ug si Cristo mismo lahi gyod kaayo sa tanang butang ug sa kasugoan.
 - c. Tungod ni Cristo ug sa labaw nga pagkamaayo sa pagkaila Kaniya, gibiyaaan ni Pablo ang kasugoan, ang kasibot niya alang niini, ang pagkamatarong nga naa niini, ug ang tanang ubang butang.
 - d. Nagpakita kini nga si Cristo ug ang labaw nga pagkamaayo sa pagkaila Kaniya labaw kaayo sa kasugoan ug sa tanang butang.

2. Ang pulong *biya* nagpasabot sa mga linugdang, basura, hugaw, nga iitsa ngadto sa mga iro; busa, kalan-on sa iro, tai; dili ikatandi ni Cristo kanang mga butanga.
 3. Ang pagkaila ni Cristo dili pagkahibalo lang bahin Niya kondili pagpakabaton gyod sa persona Niya mismo:
 - a. Si Cristo ang pagkalawas sa kahupnganan sa Dios (Col. 2:9) ug ang realidad sa mga landong sa tanang positibong butang (vv. 16-17).
 - b. Aron mabatonan ang usa ka butang, bayran gyod kini.
 - c. Ang pagpakabaton kang Cristo pagsinati, pagpahimulos, ug pagpanag-iya man sa tanan Niyang kadato nga dili matugkad (Efe. 3:8) pinaagi sa pagbayad niini.
- B. “Mabatonan nako si Cristo”—Fil. 3:8c:
1. Ang gikinahanglan nato karon mao nga labi pang makabaton ni Cristo, labi pang makapanag-iya ni Cristo, labi pang makasinati ni Cristo, labi pang makapahimulos ni Cristo, ug labi pang makapadayag ni Cristo.
 2. Kinahanglang masayod ta sa gipasabot nianang makabaton ni Cristo:
 - a. Matod pa sa Griyego, naa sa Filipos 3:7 ang noun form sa pulong *mabatonan* ug naa sa versiculo 8 ang verbal form.
 - b. Makabaton ta pinaagi sa pinadayag.
 - c. Makuha gyod unta ang atong taptap aron makakita ta ni Cristo sa nagkalainlaing basahon sa Bag-ong Tugon—sa Juan, Roma, Colosas, Mga Hebreohanon, ug Bugna.
 - d. Makita gyod unta nato nga si Cristo ang Dios nga ibabaw sa tanan, dalaygon hangtod sa hangtod—Rom. 9:5.
 - e. Ang pagkakita nato ni Cristo dili aron lang makakita ta Niya; ang pagkakita nato Niya aron man mabatonan nato Siya.
 - f. Human ta makakita ni Cristo, kinahanglang mabatonan nato Siya:
 - (1) Mobayad gyod ta sa bili aron mabatonan nato ang atong nakita.
 - (2) Kini ang hinungdan nga naghisgot ang Filipos 3:8 sa labaw nga pagkamaayo sa pagkaila ni Cristo ug nga sa kataposan ning versiculoha niingon ni Pablo nga, “Aron mabatonan nako si Cristo.”
 3. Nagkinahanglan ang Dios og mga mananaog nga nakigbisog nga mopursigir ni Cristo aron mabatonan nila si Cristo—vv. 8, 12:
 - a. Tawo si Pablo nga nakigbisog nga mopursigir ni Cristo aron mabatonan niya si Cristo.
 - b. Diyotay ra kaayo sa mga Cristohanon karon, lakip na ta, ang sama ni Pablo.
 - c. Matinguhaong mga Cristohanon tingali ta, apan nagpursigir tingali ta ni Cristo sa usa ka bahin ra, nakontento na sa naandang iglesiahonong kinabuhi ug naandang buhat ug pag-alagad nato ni Cristo.
 - d. Ang pagsunod nato nianang naandan na dili maghimo natong maningkamot aron mabatonan nato si Cristo.
 - e. Kay daghan man kaayong Cristohanon ang wala mopursigir ni Cristo aron mabatonan nila Siya, nagkinahanglan ang Dios og mga mananaog, madaogong mga balaan—Bug. 3:12, 21.
 - f. Sukad pa sa unang siglo, nanawag na ang Ginoo og mga mananaog (2:7, 11, 17, 26-28; 3:5, 12, 21;), ug nanawag pa gihapon Siya karon og mga mananaog.
 - g. Bisan diha sa masimbahong mga Cristohanon lisod man makakaplag og pila ka mananaog, ang pipila nga nagpursigir ni Cristo aron mabatonan Siya.
 - h. Minilyon ang tinuod nga mga Cristohanon dinhi sa yuta karon, apan hain man ang mga mananaog?
 - i. Nanawag ang Dios og mga mananaog, apan kinsa may motubag sa Iyang pagtawag?

- j. Kinsa may mosanong sa pagtawag sa Dios pinaagi sa pagpursigir kang Cristo aron mabatonan Siya?
- k. Naglaom ko nga daghan kanato ang mobuhat og kaayohan ni Cristo sa pagsanong nato sa pagpanawag sa Dios og mga mananaog—21:7.